



Universitätsbibliothek Paderborn

**Petri Baptistae Bvrgi De Dominio Ser[enissi]mae
Genvensis Reip. In Mari Ligvstico Libri. II.**

Borgo, Pietro Battista

Romae, 1641

Sarraceni Siciliam, Hispanias, Sardiniam, Corsicam, Galliarum, ac Italiæ partem, mare Ligusticum, totumqu[e] fere Mediterraneum occupant. Cap. VI.

urn:nbn:de:hbz:466:1-13096

172 De Dominio Ser. ^{ma} Gen. Reip.

Puteolos, custodiæ inferi maris excubabat, alteræ Rauennæ, ad superum mare tutandum, habebat stationem; quo pacto Ligustici non modo sinus, sed totius etiam Mediterranei dominium, cum Romani, tum Græci Cæsares longum tempus retinuerūt; Nam tametsi a Gothis, Vandalis, Hunnis, Herulis, Longobardis, alijsque barbaris populis, manubias, quas e tot tantisque gentibus Romani fecerant, quasi repetentibus, afflictum, ac dilaniatum Romanum imperium fuerit, cum iij Mediterranei populi essent, neque rei nauticæ ullam haberent notionem, maris imperium, aut minime, aut parum perturbarunt, solique Saxones in Oceano piraticam facientes Romanos interpellarunt.

Sarraceni Siciliam, Hispanias, Sardiniam, Corsicam, Galliarum, ac Italiæ partem, Mare Ligusticum, totumque fere Mediterraneum occupant.

C A P. VI.



T Sarraceni ex ultima proficiscentes Arabia, non contenti sua fortuna, qua Syriâ, Ægyptoque, ac totâ Africâ Romanos deiecerant, maritimum eorum dominium oppugnare perrexerunt. Horreo cum venit in mentem, quam fœde, quam crudeliter

in

in Christianos populos sacrilega hæc pestis gra-
fata sit, & fortasse puduit eius æui homines, ra-
pinas, cædes, sacrilegia, ab his barbaris patrata,
literis consignare. Ac sane gratulari potius de-
bemus nobis ipsis, tot calamitatum memoriam
intercidisse, quam deplorare scriptorum penu-
riam, propter quam ad nos eorum temporum
exacta notitia haud dimanauit. Assueuerat iam
orbis Romanorum iugo, & Christiana pietas le-
uius Cœsarum reddebat Imperium; Romani Pon-
tifices vrbe Roma, Italiæque parte potiti, ac pio-
rum charitate opibus auti, in Christianæ Reipu-
blicæ fastigio præfulgebant. En Vandalo, Go-
tho, Alanos, Hunno, Saxones, Herulos, Lon-
gobardos, en fœdam barbarorum colluuiem, en
pessundatum, dilaniatum, disceptum Romanū
Imperium. Veruntamen Christiana Respublica
quamuis afflcta horum irruptione condoluerit,
ipsorum tamen ad verum Dei cultum conuer-
fione respirauit: quique alijs pernicies fuerant
Barbari, ipsi salutem sunt consecuti. Insidentes
etenim locis, vnde Romanos deicerant, de-
positaque barbarie Christianam religionem am-
plexati, ad æternam beatitudinem ingressi sunt iter,
& Rempubl. Christianam amplificarunt magis,
quam afflixissent. At Sarraceni genere impuri,
moribus barbari, superstitione nefarij, animo
truces, aspectu horribiles, vbi grassari cœperunt,
prædari, vastare, incendere, cuncta cœdibus mi-

Y scere,

174 De Dominio Ser. ^{ma}. Gen. Reip.

scere, polluere. Primum Romanorum in Mediterraneano imperium, haec tenus pacatum, ac nemine renitente possessum, interpellarunt circa annum ab humano genere redempto IOCLV.

1. Theophan.
Heliac. in
Theatry. histor.
Fazell. histor.
Sicul. d. c. po-
ster. l. 6.

2. Fazell. loc.
cit.

3. Georg. EL-
macin. histor.
Sarracen. l. 1.
c. 13 Roderic.
Tolet. histor.
Arab. cap. 9.
Paul. Diacon.
de gest. Long.
lib 6. cap 46.
Aldret. anti-
gued. de Espan-
na l. 2. c. 23.
Fazell. loc. cit.
alij.
4. Paul. Diac.
d. c. 46. Paul.
Amul. de gest.
Franc. lib. 2.
Ica. de Serres
en l' Inuent.
de l'histoir. de
Franc. en les
Roysaynæts
sous Charles
Martel. alij.
5. Paul. Diac.
d. c. 46. Blond.
Acc. l. h. 10.

cum¹ Alexándria soluentes, Vitaliano Primo Pon-
tifice, & Constante Constantini filio Cæfare, post
subiectam Rhodum, vastatasque Cycladas, Cre-
tam, & Cyprum, per Ægæum nauigantes, ipsum
Cæfarem nauali prælio vicerunt, atque inde Si-
ciliam aggressi, eius Insulæ primum maritimas
oras, mox mediterraneas quoque prouincias po-
pulati sunt; ² quo redeuntes paucis post annis
ipsas Syracusas expugnârunt, onustique præda,
Alexandriâ rediere. Anno postmodū ICCCXIV.
per fretum³ Herculeum in Hispanias exercitum
traijciétes, nobilissimam prouinciam fere totam
occupârunt. Hinc Gallias aggressi, Narbonensis
Prouinciae potiorem partem in potestatem rede-
gere. Sed a⁴ Carolo Martello, Francorum Duce,
magna cum strage (quippe CCCLXX. eorum
millia cæsa fuisse dicuntur) acie superati, con-
scensa classe in Tyrrhenum nauigantes, eius om-
nes insulas diripuerunt. ⁵ Cumque Corsicam, &
Sardiniam inuafissent, Luithprandus Rex Lon-
gobardorum veritus, ne D. Augustini reliquæ,
in Sardinia sitæ, a sacrilegis dissiparentur, eas
magno pretio redimens, Ticinum asportari cu-
rauit, ubi nostris temporibus magna cum vene-
ratione custodiuntur. Corsicam autem hoc tem-

pore

In Mari Ligustico.Lib.II. 175

pore a Sarracenis occupatam credimus,Lanza
Ancisa,ex Hispanijs oriundo,Duce:quamuis eius
Insulæ historia id euenisse narret circa annum
IDC. a Christo nato; nam eo tempore nondum
Sarracenorum arma hucusque processerant:imo
neque natus erat Mahometes , cuius tamen su-
perstitionem eo anno in Corsicam illatam som-
niat historia. Eodem fere tempore , quo Corsi-
cam,Sardiniamque inuaserunt,² tercentis ferme
nauibus ex Asia in Europam traiicientes Sarra-
ceni,Constantinopolim totum biennium obse-
dere, ac expugnassent, ni spe prædæ in Bulga-
ros potior ipsorum pars diuertisset, a quibus fu-
gati, cum ad naues rediissent, maris oborta tem-
pestate fere omnes absorpti sunt .³ Mox iterum
classem ad Prouinciam Narbonensem applican-
tes, capta Arelate, cuncta circumquaque vasta-
runt. Sed ab eodem Martello, suppetias ferente
Luitprando Longobardorū Rege, ad naues rur-
sus repulsi sunt. At nihilominus,quod ad maris
imperium spectat,Mediterraneum totum tenue-
re,neque aut Græci Imperatores, aut Francorum
Reges(qui duo Christianorum Principum erāt
potentissimi)ingentibus illorum classibus se op-
ponere audebant, ac tantum , qua poterant, sua
litora ab eorum irruptionibus tutabantur. Erat
namque ⁴tam formidabile tunc temporis Sarra-
cenorum nomen , vt vel ingenti multitudini,
vel fortunatis armis, vel horribili audaciæ, vel

1. Gio. della
Grossa hist. di
Corfica l. 2.

2. Paul. Diaç.
d.c. 46. Blond.
d. l. 10. Anast.
Biblioth. Flo-
riacæ. & Pla-
tin. in Gre-
gor. II. P.M.

3. Paul. Diaç.
d.c. 46. alij.

4. Pazel.
d.l. 6.

Y 2 fero-

176 De Dominio Ser. ^{ma} Gen. Recip.

ferocibus animis eius gentis, non Itali, non Græci, non Hispani, non Franci, non alia quævis natio obsistere auderet, sed desperatâ prorsus victoriâ statim cederet, ac tantū Franci suis finibus illos arcere potuerunt. Tum Genuenes nostri ornata classe, Audemaro Duce, aduersus ipsos in Corsicam primi bellum suscepere, ut infra dicemus. Porro ^{1.} Sarraceni, Michaele Balbo Imperatore, circa annū a Christo nato 10CCCXXV. ingenti cum nauigiorum numero in mare prodeuntes, ut Siciliam occuparent, obuiam habuerunt Imperatoris classem, cui Venetæ sexaginta triremes se coniunxerant. Collata sunt signa ad Crotoniatarum litora, maximaque cum clade, Christianæ classes fusæ, captis, aut submersis Venetorum cunctis triremibus. In Illyricum nauigantes postmodum Sarraceni, Venetorum naves complures, quæ merces afferebant e Syria, cœsis ad vnum vectoribus, expugnârunt; Inde capta, direpta, incensaque Ancone, in Africam reuerterunt; ^{2.} Mox haud multo post tempore Siciliam deliberatori vi aggressi, totâ occuparunt, quam postmodum triginta ferme supra ducentos annos tenuerunt. ^{3.} Versa deinceps in reliquas Mediterranei Insulas rabie, Sardiniam, Corsicamque (quam nostri iam antea receperant) inuidunt, eiusque primariam urbem Aleriam ipso sancto Paschatis Sabbatho, expugnant, ac diripiunt. ^{4.} Sic insularum potiti, quæ Italico litori

^{1.} Blond. de
gæt. Venet.
Fazell. d.l. 6.

^{2.} Fazell. libid.

^{3.} Blond. do-
c ad. 2. l. 2.

^{4.} Anastas.
Bibliothec. in
Greg. IV. P.M.

præ-

prætenduntur, continentem aggressi, Centum⁴
cellas expugnant, diripiunt, incendunt, neque
hoc contenti, ipsam urbem Romam, impia au-
dacia, ter aggrediuntur, obſidentque, ac sacra-
tissimas Principis Apostolorum Aedes in Vatica-
no expilant, & D. Pauli Basilicam exurunt.
Inde nonnullis elapsis annis, late vastata Cam-
pania, iſcenſo Casinensi cœnobio, Beneuentum
usque excurrunt, Apuliam deinceps occupant,
& paulo post ipsam Genuam expugnantes, diri-
pientesque, miseranda strage edita, maiores natu-
omnes cum feeminis, puerisque (quos solos in
urbē repererant) in Africam captiuos abduxif-
fent, niſi in Genuenſium, qui in expeditione
erant, incidentes classem, vici, captique præ-
dam restituere fuissent coacti. Sed quid refricem
vulnera, quæ obducta propemodum cicatrice
occaluerunt? Mancam, & mutilam malo meam
hic orationem haberi, quam clades omnes, cæ-
des, rapinas, incendia, sacrilegia ab his Barbaris
patrata recensere. Quod ad rem attinet, Insulis
Mediterranei potiti Sarraceni, ac litora Africæ,
quæ aduersa Europæ obtenduntur, Hispaniarūq;
regna possidentes, numerosis abundantes clai-
ſibus, nautis, militibus, re nautica excellentes,
militari disciplina terribiles, nemine penitus am-
plius resistente, totum sibi Mediterraneum oc-
cuparunt, ut non modo nauigādi omnis facultas
nostris esset adempta; sed vel ipſi Pontifices

1. Platin. iti.
Blond. d. l. 2.
& de gest. Ve-
net. alij.
2. Anatasis in
Leone IV. P. M.
Platin. ibid.
& in Greg. IV.
Palmerius in
Chronic. ann.
829. 843. &
849.
3. Anastas. &
Platin loc. ci-
tat. Blond. d.
l. 2. Fazell. d.
16.
4. Palmer. in
Chron. ann.
854.
5. Ibid. ann.
914.
6. Platin. in
Ioanne XII.
P. M. Blond.
d. lib. 2. & in
descript. Li-
gur. Cal. Cur.
bist. Sarrac.
l. 2. Palmer.
in Chron. ann.
933. Fazell. d.
lib. 6. Follet.
bist. Genuen.
l. 1. alij.

7. Guagrin.
de gest. Franc.
l. 5.

Ma-

178 De Dominio Ser. ^{ma} Gen. Reip.

Maximi Romæ se minime securos existimarent:
Erant autem Sarracenorum classes adeo numeroſæ, vt Veneta Græcæ coniuncta succubuerit,
vt retulimus, atque illi ad Hispaniarum oras,
ducentas septuaginta naues appulerint, cum illam prouinciam sunt aggredi, & ad Constanti-
nopolim obsidendam (dum in Gallico mari eo-
dem tempore ingentem haberent classem) tre-
centas adduxerint. In summa ² occupatis Hispa-
nijs, insulisque adjacentibus, Sardinia, Corsica,
Sicilia, Lucania, vrbibusque, & oppidis, quæ inde
sunt usque ad Gargani montis loca, & Adriatico
imminent, ac Cycladibus, Cypro, Creta, Rhodo,
totaque Africæ ora maritima, quæ spectat ad
Septentriones, Mediterraneo vniuerso late domi-
nati sunt: Ac nostro Ligustico præsertim, in quo
Corsicam, Caprariam, Gorgonem possidentes,
excurrentesque facile ex Africæ, Hispaniarumq;
ac Sardiniæ portibus, neminem prorsus nauigare tuto permittebant.

De Urbe Genua, ac Genuensem in Liguria Regno, eorumque libertate, & politia.

CAP. VII.

3. Strabo l. 4.
Foliot. histor.
Genuen. l. 1.

DVM Romanum imperium discerpe-
rent barbari, in Liguria vrbis Genua,
(quæ ³ totius prouinciae erat emporiū)
viribus, potentiaque cœpit succrescere, quibus
ad